

## **Kagiqhinaqtuq Havaariyaayumayumik Naitumik Uqauhiq**

### **MS FRAM /Umiaq**

#### **Ukiuqtaqtumi Umiaqtuqvik – Kiguani Akliknaqtut Nalvaaqhiutit**

**Ualianugauniat August 19 – 31-mit 2019-mi Umiaqtuqniq FRNWP1912**

**and**

**Kivaliqhianugauniat September 31-mit August – 12-mut September 2019-mi, Umiaqtuqniq FRNWP1913**

MS FRAM inuknik uhiyuq umiaq nanminigiyaayuq aulapkaqtaalu Hurtigruten AS of Tromsø-kut, Norway-mit. Malruuk umiaqtuqvikhak upalugaiqtauyuk Qigiqtaalukmut Qitiqmiunulu nunanut Nunavumi atuqtilugu auyaq 2019-mi. 240-guniaqtut aularujiyaayut 80-guyulu umiaqmi havaktut (ilagiyait qanituani 15-guyut ihivriuhqhiyukhat ikayuqtiriit) umiaqtuqtut atuni aulaaqniqmi. Havaap hivitunikhaa Nunavumi 15-nik ubluni atautimut – August 24-mit September 7-mut. Umiaq aniguqhinaqtuq tuyuqmijat pulariagani ihivriuqtauniginik nakhaqtauyulu Mitimatalikmi. Nunagiyaayut pulaaqtauyumayut ukua Mitimatalik, Uqhuqtuq, Iqaluktuutiaqlu atuni umiaqtuqniqmi; Nunavumiutaqlu Nunataqatauhimayut (Iqaluktuutiamik iniqniyuq) havaktitauluni Ilitquhiqnik uqaqtiliqtuiluni Pulaaqtulu Ilihautilugit ilagiyaaluni havaktut ikayuqtiriini umiaqmi. Nunani ikayuutit munaqtikhalu havaktitauniaqtut pulaaliraagata nunagiyaayunik.

**Piqutit:**

MS FRAM – inuknik akyaqtuq umiaq

Qanuq atuqnikhaagut: Umiaq aularutauniaqtuq hiniktaqviulunilu

Uuqhukhaq: 403 m<sup>3</sup> litres-nuk uukhuqyuamik

Tuutqumavikhat Atuqtauyukhat: Uuqhuqyuaqqaqviit umiaqmi

Polarcircle-nik qayaqtuutikhat

Amigainigit: 7 (5: Yanmar D-torque 111-guyuk 50-Huaspauwauyuq uqhuqyuaqtuqtuq igniquut; malruuk: Oxe-guyuk 150-Huaspauyuyuk V1XL150-guyuk uqhuqyuaqtuqtuuk ignikutik)

Qanuq atuqnikhainik: Ihivriuhqhiyaagani takuyakhanik nunalijutigiyaaganilu

Uukhukhaq: 50 litres-nik uukhuqyuamik (uuqhiqhinaqtut umijap uukhuqqaqviinit)

**Qainat**

Amigainigit: 6 malruuknik inuqalaaqtunik (aulaaqtut atuqtakhait) hitamat atautip qayaqtuutikhait (ayuqituiyunit)

Hulijutit ilaqaqtut takuyaqtuiyaagani umiakut, Zodiac-kut, qayaqtuqlutiklu aularutunik nunalitpaklutiklu hulilutik munaqtiinit uqaujuqtaulutik pihuuyaqtulugit, qupanuanik nunamiutaniklu qungiaqlutik pihuuyaqlutiklu. Hulijutit maliruutauniaqtut atuqpaktunik aulanikut pigiarutunik munariyaalutiklu Takuyaqtuiyunik Hivuliqhuqti ikayuutainiklu qauyimaniqatiaqtut ikayuqtiriit takuyaqtuiyunik havaktini ilauyut. Nunalinigit hiviginiaqtut taqyulu qatiguani nunani. Pulaaqngit malikniaqt AECO-mi maliruagakhanik qahaktunik [www.eaco.no](http://www.eaco.no) –mi, uvanilu 'Tuyuqmipkatiaqlutik Pulaaqtut Nunavuumut' maliruakhat unalu 'Inutiagujutainik Aulapkaiyut Nunavumi' pipkagaayunik Umiaqtuqvigilutu Nunavut-mi.

Hanayakhat napaktiqtalutit (aulalimagitut atuqtaulaktuluniit), tulaktaqviit tunmiqaluniit ikayuriagani pulaqtuliqjitaayumayut hulijutit. Umijap qayanuagit atuqtauniqtut nunalijutigivagiagani maniqami nunani. Ihuaqhainiaqtut tulaktaqviit tunmiqaluniit atuqtaulaaqniqata.

Atulaaqniqata, piyunaunik laisiniklu tuukhiutit tuniyaavakniaqt ataniqtuiluaqtunut piyunautilu laisiyuuluniit nakhaqtauvakniaqt umiaqmi.

Uqatiahimayuk aulanikut upalugaiyaut atautimuktiqhimaliqtuq nalunairiagani avatauyumik pijutauyunik upalugaiqtauyuni hulijutimi maliruatiariagani aturiaqaqtut Kanatami Ukiuqtaqtumilu maligauyut. Aulanigit upalugaiqtauyut tamaini inmiknik pivakniaqut, hulijutit munariyaulutik qauyimayunit havaktunit qanituaniilunilu qiniqhiakpata anaujiniagatalu ayuginigata umijap, aaniaqtuqaqalu inuiyariaqaqniganik.

Avatauyumik Aktunigagut Uqauhiq ihuaqhaqhimaliqtuq. Ahiagurutikhat ihumagiyauhimayut ukuaguyut:

- Aalaguqnigit aulaaqvikhait
- Aalaguqnigit amigainigit pulaaqtut
- Aalaguqnigit umijap ilagiarutailu qainat atuqtauyut
- Aalaguqnigit hulijutit
- Ahiagurutit umiaqtugitpata

Naahuriyauyuk avatauyumik aktuniga upalugaiyaqhimayumit hulijutimit agitqiyaulimagituq mikiyumit hiamayagiluniluniit maniqamut.